

57

Na osnovu odredbi članova 7 i 18 Pravilnika o postupku upravljanja privremeno oduzetom imovinom (Službeni glasnik Brčko distrikta Bosne i Hercegovine, broj 33/19), sekretar Pravosudne komisije Brčko distrikta Bosne i Hercegovine dana 16. 1. 2020. godine donosi

**ODLUKA
O UTVRĐIVANJU KRITERIJA OBRAČUNA TROŠKOVA
ČUVANJA I ODRŽAVANJA PRIVREMENO
ODUZETE IMOVINE**

I

Kriterij obračuna troškova čuvanja i održavanja privremeno oduzete imovine koja je na osnovu Zakona o oduzimanju nezakonito stečene imovine (Službeni glasnik Brčko distrikta Bosne i Hercegovine, br. 29/16 i 13/19) od strane nadležnog suda predata Stručnoj službi Pravosudne komisije Brčko distrikta Bosne i Hercegovine (u daljnjem tekstu: Stručna služba) su:

- vrsta imovine,
- visina takse za upis i brisanje privremene mjere oduzimanja imovine u registar,
- troškovi procjene vrijednosti imovine,
- troškovi preuzimanja odnosno prevoza oduzete imovine,
- angažovanje sredstava mehanizacije za utovar/istovar i radne snage prilikom preuzimanja odnosno povrata/predaje privremeno oduzete imovine,
- skladištenje,
- najam imovine,
- period trajanja čuvanja i održavanja privremeno oduzete imovine,
- osiguranje imovine,
- posebni uslovi potrebni za čuvanje imovine i
- troškovi uništenja imovine.

II

Stručna služba prilikom obračuna troškova čuvanja i održavanja privremeno oduzete imovine, rukovodit će se činjenicom koja je vrsta oduzete imovine, da li se radi o materijalnoj ili nematerijalnoj imovini (novac, akcije, hartije od vrijednosti, udio u fondovima i sl...), da li je imovina pokretna ili nepokretna, koji je vijek trajanja imovine, da li sama može obezbijediti sve potrebne radnje za preuzimanje, čuvanje i održavanje privremeno oduzete imovine ili to mora povjeriti nekom drugom, te će na osnovu toga odrediti koje će kriterije iz tačke I ove odluke koristiti.

III

Ukoliko će sve potrebne radnje za čuvanje i održavanje privremeno oduzete imovine obavljati Stručna služba, obračun troškova vršit će se po cjenovniku svih vrsta usluga koje su za to potrebne, rukovodeći se kriterijima iz tačke I ove odluke i trenutnim tržišnim cijenama za navedene usluge.

IV

Ukoliko za čuvanje i održavanje privremeno oduzete imovine Stručna služba nije kadrovski, mehanizacijski ili prostorno osposobljena, izvršavanje potrebnih usluga preuzimanja, čuvanja i održavanja privremeno oduzete imovine ustupit će se specijalizovanim pravnim licima koja su registrovana za obavljanje tih vrsta usluga, a obračun troškova vršit će se po cjenovniku pružaoca usluga, rukovodeći se kriterijima iz tačke I ove odluke.

V

Ova odluka stupa na snagu u roku od osam dana od dana objavljivanja u Službenom glasniku Brčko distrikta Bosne i Hercegovine.

Broj: SuPK-03-45/20
Brčko, 16. 1. 2020. godine

**SEKRETAR
PRAVOSUDNE KOMISIJE
Vuk Lučić, s.r.**

58

Na osnovu člana 5 stava 2 Zakona o zaštiti lica koja prijavljuju korupciju (Službeni glasnik Brčko distrikta BiH, broj 25/18) i člana 22 stava 1 tačke d) Zakona o Policiji Brčko distrikta BiH (Službeni glasnik Brčko distrikta BiH, brojevi: 31/09, 60/10, 31/11 i 14/19), šef Policije Brčko distrikta BiH, donosi

**PRAVILNIK
O INTERNOM PRIJAVLJIVANJU KORUPCIJE I ZAŠTITI
LICA KOJE PRIJAVI KORUPCIJU U POLICIJI BRČKO
DISTRIKTA BiH**

DIO PRVI- OPĆE ODREDBE**Član 1
(Predmet)**

- (1) Ovim pravilnikom uređuje se način prijavljivanja korupcije u Policiji Brčko distrikta Bosne i Hercegovine (u daljnjem tekstu: „Policija“), postupanje po zaprimljenim prijavama korupcije, razmatranje zaprimljenih prijava korupcije, obaveza obavješćavanja lica koje je prijavio korupciju o poduzetim radnjama, zaštita lica koje prijavio korupciju i druga pitanja koja su vezana za interno prijavljivanje korupcije u Policiji.
- (2) U slučaju prijavljivanja korupcije od strane drugih osoba koje nisu zaposlene u Policiji, također se primjenjuju odredbe ovog pravilnika.

DIO DRUGI – INTERNO PRIJAVLJIVANJE KORUPCIJE**Član 2
(Pravo na interno prijavljivanje korupcije)**

- (1) Zaposleni u Policiji, koji imaju saznanja ili materijalne dokaze o postojanju korupcije u Policiji, mogu podnijeti internu prijavu zbog postojanja korupcije ili okolnosti koje ukazuju na postojanje korupcije.
- (2) Prijavlivanje iz stava 1 ovog člana treba da bude učinjeno u dobroj vjeri, odnosno na osnovu vlastitog saznanja podnosioca prijave koje se zasniva na činjenicama i okolnostima o kojima on ima vlastita saznanja i koje smatra istinitim.
- (3) Pravo na interno prijavljivanje korupcije iz stava 1 ovog člana ne utiče na pravo zaposlenog da inicira pokretanje disciplinskog postupka u skladu s odredbama Zakona o policijskim službenicima Brčko distrikta Bosne i Hercegovine, Zakona o državnoj službi u organima javne uprave Brčko distrikta Bosne i Hercegovine i drugih podzakonskih akata kojima je ovo pravo regulisano.

**Član 3
(Lica nadležna za prijem internih prijava)**

- (1) Zaposlenik Policije, koji ima saznanja ili materijalne dokaze o postojanju korupcije u Policiji, može podnijeti internu prijavu zbog postojanja korupcije ili okolnosti koje ukazuju na postojanje korupcije.
- (2) Interna prijava iz stava 1 ovog člana, podnosi se:
 - a) neposredno nadređenom;
 - b) posredno nadređenom;
 - c) nadležnoj organizacionoj jedinici koja je ovlaštena za prijem i evidenciju internih prijava korupcije;
 - d) rukovodiocu organizacione jedinice;
 - e) šefu Policije;
 - f) licu ili organu koji obavlja poslove nadzora ili finansijske revizije u Policiji.
- (3) Po internim prijavama iz stava 2 ovog člana postupa Jedinica za profesionalne standarde (u daljnjem tekstu: "Jedinica") koja je ovlaštena za prijem i evidenciju internih prijava korupcije.

**Član 4
(Načini internog prijavljivanja)**

- (1) Interno prijavljivanje može biti povjerljivo ili anonimno.
- (2) Povjerljivo interno prijavljivanje jest prijavljivanje kod kojeg je licima nadležnim za prijem internih prijava poznat identitet lica koje je podnijelo prijavu, ali su dužni da, koliko je to